

Hoomskuuling for unnere Senjorinne un Senjorn

Andauernd wern mir mit neie daamische englingsche Vukabln belästicht, des nimmt dermos`n ieberhand, des mor zen Schluss gar nischt meh vorstieht. Desserwagn gibt's heit ausn Eimstocker - Arzgebirgs – Lexikon - Dudn in klenn Lehrgang.

Zwar net ieber su ne Vidjo-Konforenz, mir namme abn dodorzu unner Blattl.

Also lus giehts, frisch geschriebl is halb gewunne, oder wie des haaßt.

Hier is eier Lehrer von dar neimodschn Hoomskuling for de nächstn 3 Stündle!

Zen Vorständnis: erscht de englische, dann de arzgebirgdeitsche Schreibweis un noocherts de Bedeitung:

Hoomskuuling for unnere Senjorinne un Senjorn		
1. Stunde im März-Blattl 192		
Homeschooling	Hoomskuuling	Unnerricht dorham in Stiebel oder aa in dor Kich
Lockdown	Lokdaun	do fährt kaane Lok zen unnern Bahuf, des bedeit ne Ausgangssperr, do soll mor allis im Alltog schu eweng ganz schie eischränkn
Shutdown	Schattdaun	allis schließn, stillegn un runnerfahrn, is gieht gar nicht meh
Hotspot	Hottspott	do tun de Witschers net ebber ihre Pfaar vospottn, na, des is e ganz schlimmer Brennpunkt, aber net in Ufn
Click & Collect	Klick un Kollekt	aussuchn un aaklickn wos mor kaafn will in Innet mit dare Kompjutermaus un noocherts im Eikaafslodn ohuln
Podcast	Pottkaast	des is Gelaaber in Innet, mannichsmol ewos wart, aber aa viel unnitzis Zeich, dodorfier kosts nischt
Shitstorm	Schittstorm	des haaßt fei werklich „Schei...“ un dann noch „Sturm“, lawinenartige ganz schlachte Kritik un ganz schlachte Redn ausn Innet
Influencer	Influenzer	des sei Latschweiber oder aa Latschmanner, die en dauernd ewos eiredn wölln, des mor wos kaafn oder ausprobiern söll, wos mor eingtlich gar net will im ----- Soschlweb

Hoomskuuling for unnere Senjorinne un Senjorn

2. Stunde im April-Blattl 193

Social Web	Soschlweb	des is abn des, do kaa jeder sei Maaning zu alle rmeechlichn Theme im Inernet dorzu gabn
Taskforce	Taaskfoors	des is ne Arbitsgrupp, die Probleme lösn söll oder aa net, wie itze z.B. unnere Ministers bei dare Corona-Pandemie
App	Epp	des is net irgnd e Eb, vu eirer friehern Schulclass, naa, des sei klaane Programme, die mor gebrauchn kaa, wenn mor drauf klickt, giehts lus - oder aa net
Blogger	Blocker	des sei welche, die neins Inernet su wos wie e Tagbuch schreibn, aafach allis aufnotiern, ganz egal öb des irgnd jemand intressiert oder net
www	Wehwehweh	des is e Netz mit Datn, wos rund im de ganze Ard gieht, also net zen Eikaafn wie frieher is Perlonnetz! War eweng aagabn will, dar kaa des aa mol of englisch - deitsch sogn: Wörlid Weid Webb
Tablet	Täblett	des is net etwa e Hietrochbrattl un aa kaane Tablett zum Einamme, des is e klaner Kompjuter, aber dar hat kaane Maus un Tastatur zen Schreibn, när in ----- Tatschkrien
Touchscreen	Tatschkrien	des is dor Bildschirm vun Täblett, do musste drauf datschn, när esu kaa mor wos bewegn un schreibn
Laptop	Läptopp	des is e gressers Täblett, aber mit ner Tastatur, do kaa mor wenstns gelei lusschreibn
Hashtag	Häschtäg	des is su e Kreiz # als Markierung, do ka mor drauf klickn, im ne Nachricht in Soschlweb ze dorgattern

Hoomskuuling for unnere Senjorinne un Senjorn

3. Stunde im Mai-Blattl 194

Follower	Volloofer	des is aaner, dar in annern vorfolcht, aber net of dor Stroß, naa, im Innet. Je meh su e Schreiberling selche Folcher (Aahänger, Fäns) hat, desto beriehmter kaa dar wern un sugar aa noch viel Gald vordiene!
Tweets	Twiets	des is när Gezwitscher, aber net vu de Vöchle. Des sei Nachrichtn, die jeder of nor Innetseit schreibn kaa, egal öbs stimmt oder aa net oder gar när Mist is
Catfish	Kettfisch	des sei Betriecher, die jemandn ewos viergaukn, meistens richtig kriminell wie im „Tatort“
Start-up	Startap	des hat nicht mit Sport ze tu, des haaßt „in Gang setzn“, do hat aaner ne neie Geschäftsidee, öb wos draus ward, wass mor noch net
No Go	Nogo	des gieht gar net! Gemaant sei e paar Bundstoger, die mit dene Virus-Maskn Gald geschefft ham, pfui!
High Noon	Hainuun	is reicht mit eire Demos, is is immer noch finf vür zwelfe mit den Virus, de Gesundhaat is wichticher als eier daamichs Freihaatsgemaahr !
Hyperlink	Haiperlink	oder aafach „link“, dar vorweist of ne annere Seit in Innet, des mor die glei findt un net esu lang imhaar klickn un suchn muss
Streetworker	Strietwörker	do is net etwa dor ehemalsche Stroßnarbiter, dor Staab, Helm gemaant. Des is e ganz Wichtcher, dar den Leitn hilft, die ka dorham ham, siech mit Drogn vollstoppn oder aa mit dor gewarblign Auszieherei beschäftign (des gibt's fei aa!)
Shuttle-Bus	Schattlbus	des is e Pendlbus, dar eich nu eingtlich endlich emol zen Impfn brenge söllt!

... un mit dar Stund habt ihr is Arzgebirgs – Hilfs - Abi dorreicht,
de richtsche Priefing wird dann in unnern nächstn Hutznobnd ogehaltn!

Bis dohie - lerne, lerne, lerne wos is Zeich hält!

Wer dann die nächstn Sätz laasn kaa un aa noch vorstieht,
dar hat des Arzgebirgs – Hilfs - Abi
dann aa bestandn!

Wenn de gescheitn Bundstogerinne un Bundstoger, also die vun den **Taaskfoors**, diech dauernd neine **Lockdaun** un **Schattaun** schickn un du noocherts epperemende noch innern **Hotspot** wuhnst, dann kaste när noch ab un zu, wenn de weng Glick hast, zen **Klick un Kollekt** gieh oder suchst im **Soschlweb** mit **www** un nor **Epp** nooch eweng Unnerhalting bein **Pottkaast** oder bei nern **Blocker**. Des kaste am bestn mit nern **Täblett** oder aa am **Läptopp** machen, wenn de do aber per **Haiperlink** un **Häschtäg** an su en **Influenzer** mitsamt seine **Vollover** un dene ihrn **Schittstorm** kimmst, do nitzt dir aa kaa **Startap** mit lauter **Twiets** ewos, weil do wieder de **Kettfischs** am Wark sei, do is noocherst gelei **Hainuun** un **Nogo**.

Do kaste blus noch aufern tichtschn **Strietwörker** hoffn, dar diech innern **Schattlbus** letztendlich zen Impfzentrum bringt!

Nu do, Glückauf un bleib gesund!

Dei Arzgebirgs – Lexikon – Dudn - Schmidti

När Mut un genuch Ausdauer!

Schu mol vornewag: De allerbestn Glickwünsch!

– eier Arzgebirgs – Lexikon – Dudn – Schmidti